


ՀՀ ՓՊ ԱՇԽԱՏԱԿԱԶՄԻ ԴԵԿԱՎԱՐ ԼՈՒՍԻՆԵ ՍԱՐԳՍՅԱՆԻ ՀԱՐՑԱԶՐՈՒՅՑԸ` ԷԼԵԿՏՐՈՆԱՅԻՆ ՔԱՂԱՔԱՑԻԱԿԱՆ ԴԱՏԱՎԱՐՈՒԹՅԱՆ ՎԵՐԱԲԵՐՅԱԼ . «Irvaban.net»

06.02.2024 17:00



Փետրվարի 1-ից սկսած` դատարան ներկայացվող նոր դատական գործերով բոլոր դատավարական փաստաթղթերը (հայցադիմում, դիմում, բողոք, պատասխան, դիրքորոշում, միջնորդություն և այլն) պետք է կազմվեն և ներկայացվեն էլեկտրոնային քաղաքացիական դատավարության համակարգի միջոցով` Համակարգի կողմից տրամադրվող գործիքակազմին և առաջադրվող պահանջներին համապատասխան (բացառությամբ պետական գաղտնիք կազմող տեղեկությունների, որոնք ներկայացվում են միայն նյութական եղանակով):

«Հայաստանի Հանրապետության քաղաքացիական դատավարության օրենսգրքում փոփոխություն և լրացում կատարելու մասին» 2023 թվականի դեկտեմբերի 22-ի ՀՕ-11-Ն օրենքով սահմանված էլեկտրոնային համակարգի վերաբերյալ նախագիծը Փաստաբանների պալատ է ուղարկվել 2023թ.ապրիլին: Փաստաբանների պալատը ներկայացրել է իր դիրքորոշումը: Այս մասին Irvaban.net-ի հետ զրույցում նշեց Փաստաբանների պալատի աշխատակազմի ղեկավար Լուսինե Սարգսյանը` հավելելով, որ դիրքորոշումն ընդհանուր առմամբ վերաբերում էր նրան, որ գաղափարը լավն է և ինչ-որ ժամանակ հետո, երբ հնարավոր կլինի ամբողջովին ադապտացվել էլեկտրոնային արդարադատությանը` բավականին կհեշտացնի փաստաբանների, դատարանների աշխատանքը:

«Մենք մեր նկատառումների մեջ նշել էինք, որ անհրաժեշտ է համակարգին աստիճանաբար անցնել, քանի որ միանգամից անցումը կարող է կոլապս ստեղծել: Առաջարկել ենք ժամանակավոր հայցադիմումների մուտքը կատարել էլեկտրոնային համակարգով` չբացառելով թղթային` հին համակարգով փաստաթղթերի շրջանառությունը: Այս պահին ունենք այն` ինչ ունենք», -ասաց Լուսինե Սարգսյանը:

Նրա խոսքով` սկզբնական շրջանում ամեն ինչ հարթ չի կարող լինել, որովհետև ծրագիրը նոր է, կարող են մի շարք խնդիրներ ի հայտ գալ:

«Ամենամեծ խնդիրն այս պահին, որ մենք ունենք` այն է, որ համակարգ մուտք գործել հնարավոր է միայն նույնականացման քարտի առկայության պարագայում և քանի որ նույնականացման քարտ

ուհներնալը օրենքով պարտադիր պայման չէ՝ կան փաստաբաններ, որոնք մինչ այժմ նույնականացման քարտ չունեն», -նշեց Սարգսյանը:

Այդ իսկ պատճառով համաձայնություն է ձեռք բերվել, որ փաստաբաններն առանց հերթի կկարողանան դիմում ներկայացնել նույնականացման քարտ ստանալու համար:

Փաստաբանների հարցերի մի մասը վերաբերում է էլեկտրոնային ստորագրություններին.
«Նույնականացման քարտից բացի պարտադիր է նաև էլեկտրոնային ստորագրության առկայությունը, առանց որի հայցադիմում ստորագրելն անհնար է դառնում: Հարցեր կան նաև ծանուցումների մասով, թե ինչպես պետք է ծանուցումներն ապահովվեն՝ արդյո՞ք ծրագրի միջոցով են ապահովվելու, թե փոստային տարբերակով են ստանալու: Շատ-շատ հարցեր կան, որոնք բնական են»:

Փաստաբանների պալատը «Մեյսիս Ինֆորմեյշն Սիսթեմս» ընկերությանն է փոխանցել բոլոր փաստաբանների տվյալները. յուրաքանչյուր փաստաբանի էլեկտրոնային հասցեին ուղարկվում են հենց իր մուտքանուն ու գաղնաբառը, որով նրանք կկարողանան մուտք գործել համակարգ:
Փաստաբանների տվյալները ՓՊ կողմից պարբերաբար կթարմացվեն:

Փաստաբանների պալատն այժմ վերապատրաստումներ է անցկացնում փաստաբանների շրջանում՝ ներկայացնելով կատարված փոփոխությունները:

«Փորձել ենք ամեն ինչ անել, որ փաստաբաններին հնարավորինս արագ աջակցենք և այնպես անենք, որ խնդիրները հնարավորինս քիչ լինեն: Դրա հետ կապված համագործակցում ենք Արդարադատության նախարարության և ծրագիրն իրականացնող «Մեյսիս Ինֆորմեյշն Սիսթեմս» ընկերության հետ:
Փաստաբանների համար վերապատրաստումներ ենք իրականացնում, որպեսզի վերջիններիս կարողանանք ծանոթացնել այն գործիքակազմին, որը գործարկվում է», -ասաց նա:

Լուսինե Սարգսյանի խոսքով՝ վերապատրաստումները կշարունակվեն ըստ կարիքի և անհրաժեշտության:

Անդրադառնալով այն հարցին, թե ինչ պետք է անեն այն անձիք, որոնք փաստաբան չեն, սակայն ցանկանում են ինքնուրույն հայց ներկայացնել դատարան՝ Սարգսյանը մանրամասնեց. «Մի քանի

տարբերակներ կան, թե երբ անձը կարող է փաստաբան չհանդիսանալ և շահերը ներկայացնել դատարանում, այդ պարագայում անձը իրավունք ունի էլեկտրոնային համակարգում գրանցվելու որպես քաղաքացի և կրկին էլեկտրոնային եղանակով հայցադիմում ուղարկել:

Ոչ փաստաբան քաղաքացիները կարող են դեռևս շարունակել իրենց հայցադիմումները ներկայացնել հին` թղթային տարբերակով:

Կարևոր է ևս մեկ անգամ ընդգծել, որ խոսքը վերաբերում է նոր մուտքագրվող հայցադիմումներին, դիմումներին: Եթե գործն արդեն ընթացքում է և դրա շրջանակներում, օրինակ` միջնորդություն է ներկայացվում, ապա այդ միջնորդությունը պետք է ներկայացնել թղթային տարբերակով, այդ պարագայում էլեկտրոնային տարբերակով մուտքագրելու հնարավորություն առկա էլ չէ»:

Հավելենք, որ գործարկված էլեկտրոնային քաղաքացիական դատավարությունը էլեկտրոնային արդարադատության մի մասն է:

Հարթակը գործում է <https://cabinet.armlex.am/> հղումով:

2.9

Հարցազրույցը հրապարակվել է «Iravaban.net» կայքում:

```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```